

四庫全書

史部

欽定四庫全書

史部

欽定盛京通志卷五十二至

四

少詹事<sub>臣</sub>曹城覆勘

總校官編修<sub>臣</sub>朱鈴

欽定四庫全書

欽定盛京通志卷五十二

兵防二

吉林將軍所屬員額兵額

黑龍江將軍所屬員額兵額

各屬戰船

盛京牧政附載

恩賞官兵銀兩附載



欽定四庫全書

欽定盛京通志卷五十二

兵防 二

吉林將軍所屬

吉林駐防

康熙十五年設

將軍一員副都統一員原設協領八員佐領十一員驍騎校十一員防禦八員康熙十年將移來庫雅拉人等編設佐領十二員驍騎校十二員十三

年添設防禦十五員水師營四品五品官各二員  
十六年將伊徹人等編設佐領二十六員驍騎校  
二十六員添設水師營六品官二員二十九年添  
設佐領七員防禦十四員驍騎校七員三十一年  
添設佐領六員驍騎校六員並將喀勒喀巴勒瑚  
人等編設佐領八員驍騎校八員三十八年添設  
佐領一員驍騎校一員雍正十一年添設烏鎗營  
叅領一員佐領八員驍騎校八員乾隆三十年將

巴勒瑚錫伯人等編設蒙古協領一員世襲騎都尉八員雲騎尉三十一員恩騎尉三員屬下領滿洲兵二千五百六十三名錫伯兵六十七名巴勒瑚兵三百五十名漢軍兵一百二十名烏鎗營兵六百七十四名共兵三千七百七十四名其餘所設主事筆帖式等員俱詳載職官卷

寧古塔駐防

康熙十五年設

副都統一員協領二員佐領十二員

原設八員康熙三十八年

乾隆二十五年兩  
次共增設四員

防禦十二員驍騎校十二員

原俱

設五員康熙五十二年各增設  
三員乾隆三十年各增設四員

堂左右司筆帖式

四員倉筆帖式二員倉官一員教習官二員世襲

騎都尉三員雲騎十九員恩騎尉一員屬下領滿

洲兵一千四百名

白都訥駐防

康熙三十一年設

副都統一員協領二員佐領十員

康熙五十二年增設

防禦

八員驍騎校十員蒙古佐領二員驍騎校二員

康熙



四十六年增設辦理蒙古事務委署主事一員

乾隆二十六年裁白

都訥巡檢改設此堂左右司筆帖式四員倉筆帖員例由京補放

式二員繙譯筆帖式二員

內蒙古一員

教習官二員醫

官一員世襲騎都尉一員雲騎尉七員屬下領滿

洲兵一千名

三姓駐防

康熙五十年設

副都統一員協領二員佐領十五員防禦八員

雍正

十年增設驍騎校十五員

佐領驍騎校原俱設四員雍正十年各增設十六員共二

十一年移駐  
拉林各五員

倉官一員倉筆帖式二員

原設委署  
協領一員

乾隆元年裁改設  
倉筆帖式二員

堂左右司筆帖式四員教習官

二員世襲騎都尉三員雲騎尉八員屬下領滿洲

兵一千五百二十名

阿勒楚喀駐防

雍正四年設

副都統一員

乾隆二十一年增設

協領一員佐領七員防禦

一員驍騎校六員倉官一員倉筆帖式二員堂左

右司筆帖式四員教習官一員世襲雲騎尉二員

屬下領滿洲兵四百六名

拉林駐防

乾隆九年設原設副都統一員乾隆三十四年裁後歸阿勒楚喀副都統

兼轄

協領一員佐領六員防禦五員驍騎校七員倉官

一員倉筆帖式二員筆帖式二員教習官一員世

襲騎都尉一員雲騎尉三員屬下領滿洲兵四百

六名

打牲烏拉駐防

國初設

總管一員協領二員佐領八員防禦四員驍騎校

十一員

原設七員乾隆二十四年增設四員

倉官一員

乾隆二十七年增設

筆

帖式六員世襲雲騎尉四員屬下領滿洲兵七百

名八旗壯丁三千一百二名

伊屯駐防

雍正五年設

佐領二員防禦二員驍騎校四員屬下領滿洲兵

二百名

鄂摩和索羅駐防

佐領一員防禦一員驍騎校一員屬下領滿洲兵

一百二十名

巴延鄂佛羅邊門

在吉林北二百十里以下國語解蒙古語解已見山川城池

各卷者  
不另注

伊屯邊門

在吉林西北一百九十里

克爾素邊門

在吉林西北四百六十里

布爾圖庫蘇巴爾罕邊門

在吉林西北五百六十八里

以上四邊門每門各設滿洲防禦一員筆帖式

一員兵二十名壯丁共一百五十名

黑龍江將軍所屬

齊齊哈爾駐防

康熙三十三年設

將軍一員

康熙三十八年移駐

副都統一員協領八員佐領

十六員康熙二十八年增設漢軍佐領二員三十

年將達呼爾人等編設佐領十六員三十一年增設

漢軍佐領二員三十三年增設巴勒瑚佐領四員

防禦八員驍騎校四十員火器營叅領一員管理

驛站六品官二員官莊七品官一員世襲輕車都尉兼雲騎尉一員輕車都尉三員騎都尉兼一雲騎尉一員騎都尉六員雲騎尉六員恩騎尉二員屬下領滿洲馬兵二千九十名領催一百六十名前鋒十名驛站領催二十八名屯領催三名烏鎗匠三名弓匠二十四名鐵匠三十二名鞍匠二十名

水師營

康熙二十三年設

總管一員四品官二員六品官二員管理造船四品  
官一員五品官一員六品官一員筆帖式二員屬下設領催  
八名水手二百六十八名造船領催八名水手三百名

墨爾根駐防

康熙二十三年設

副都統一員協領四員索倫達呼爾佐領十五員  
漢軍佐領二員

雍正五年設

防禦八員驍騎校十七員

筆帖式四員倉官一員倉筆帖式二員管理官莊  
七品官一員管理臺站官一員隨印筆帖式一員



十臺筆帖式十員世襲輕車都尉一員騎都尉兼  
一雲騎尉一員騎都尉二員雲騎尉八員屬下領  
滿洲馬兵八百五十六名領催六十八名前鋒四  
十名屯領催一名鳥鎗匠一名弓匠鐵匠各十五  
名

水師營

原設四品官一員乾隆三十六年將軍增海

奏裁歸本城協領兼管屬下設領催一名水手四十

三名

墨龍江駐防

康熙二十三年設

副都統一員協領四員佐領十六員索倫達呼爾  
佐領八員漢軍佐領二員防禦八員驍騎校二十  
六員筆帖式四員倉官一員倉筆帖式二員管理  
官莊七品官一員世襲騎都尉二員雲騎尉二員  
恩騎尉一員屬下領滿洲馬兵一千二百九名耕  
種公田馬兵一百三十五名養育兵一百三十五

名

乾隆三十  
六年增設

領催一百四名前鋒四十名屯領催

四名鳥鎗匠二名弓匠十六名鐵匠二十四名鞍

匠二名

水師營

總管四品官一員五品官二員六品官二員屬下

設領催八名水手四百十九名

呼倫布雨爾駐防

雍正十  
年設

統領一員總管四員管轄索倫副總管三員佐領

二十四員驍騎校二十四員管轄新編巴勒瑚總

管二員副總管四員佐領二十四員驍騎校二十

四員

俱雍正十年設

管轄兀魯特總管一員佐領二員

驍騎校二員護軍校二員筆帖式四員

原設二員乾隆十一

年增設二員

世襲三等輕車都尉一員騎都尉兼一雲

騎尉七員騎都尉二十二員雲騎尉七十九員七

品官一員屬下舊設馬兵一千七百七十四名乾

隆三十六年增設五百名共兵二千二百七十四

名領催二百名前鋒二十六名

呼蘭城駐防

雍正十年設

城守尉一員副城守尉二員佐領八員驍騎校八員筆帖式二員管理官莊七品官一員七品倉官一員倉筆帖式二員世襲雲騎尉一員屬下領馬兵四百五十二名領催三十二名屯領催五名弓匠鐵匠各八名

布特哈駐防

康熙三十年設  
兼管博爾多駐防事

滿洲總管一員索倫達呼爾總管二員副總管十

六員

原設索倫達呼爾副總管八員雍正五年增設滿洲副總管八員

佐領九十

七員

雍正乾隆年間陸續增設至九十八員乾隆十五年奉裁一員

驍騎校九十

六員

俱隨各佐領分設其管理步兵佐領一員人數較少並未設立驍騎校

筆帖式

四員

原設二員乾隆二十五年增設二員

世襲三等男一員一等輕

車都尉兼一雲騎尉一員二等輕車都尉六員三

等輕車都尉六員騎都尉六員騎都尉兼一雲騎

尉九員騎都尉四十一員雲騎尉一百三十一員雲騎尉兼二

等侍衛一員三等侍衛一員藍翎侍衛一員雲騎

尉兼恩騎尉一員七品官二員屬下舊設馬兵一

千八百名領催一百八十四名

烏魯蘇穆丹喀倫

駐防官一員領兵十七名每月一更烏魯蘇以下各語解已見

山川城池各卷者不更臚注

巴拉畢喇昂阿喀倫

駐防官一員領兵五名每月一更

伊瑪畢喇昂阿喀倫

駐防官一員領兵四名三月一更

庫雨勒河喀倫 語敏河喀倫 科卜齊勒喀倫

欽定四庫全書

卷五十二

以上三喀倫每處駐防官  
十員領兵九名每月一更

珠爾特依喀倫 錫伯爾布拉克喀倫 巴延珠

爾克喀倫 烏雨勒赫齊喀倫 巴雅斯呼朗溫

都爾喀倫 巴圖魯和碩喀倫 庫克多博喀倫

額爾德尼蒙古語寶貝也托勒輝喀倫 孟克蒙古語經常也錫

哩平矮山也喀倫 薩巴噶圖蒙古語有罷也喀倫 蘇克特

依蒙古語有斧也喀倫 察罕鄂拉喀倫以上十二處俱在呼倫布爾與俄羅斯交界

處每處駐防官一員領兵三十名每二喀倫之中設一鄂博喀倫官兵每日巡察三月一更遇



有越境抵羅斯及偷盜牲畜者歸總管呈報辦理蒙古語鄂博堆石以為祭處也

庫勒都爾河喀倫 特爾墨勒津河喀倫 特尼

河喀倫 崇古林谷口喀倫 墨爾根河喀倫

阿爾噶圖谷口喀倫 喀喇鄂索谷口喀倫 薩

奇勒圖

蒙古語有戒律也

山喀倫

開拉哩河翁昆喀倫

溫都爾額圻蘇喀倫 烏蘭昂阿喀倫 布拉克

圖舍哩喀倫 摩該圖舍哩喀倫 托勒輝圖舍

哩喀倫 鄂勒圖舍哩喀倫

以上十五處係在游牧處北面跨拒俄羅

斯來路每處駐防官一員  
領兵二十名每月一更

喀卜齊哈圖喀倫 阿拉勒圖喀倫 扎拉喀倫

布爾克爾

蒙古語  
籠屈也

喀倫

和爾哈圖喀倫

哈薩

圖喀倫

音辰喀倫

阿嚕布拉克喀倫

穆敦

哈薩圖喀倫

扎穆呼都克喀倫

貝爾布隆德

爾蘇喀倫

鄂爾遜河烏蘭昂阿喀倫

額布都

克喀倫

拉們罕布爾都哩喀倫

烏默克依布

拉克喀倫

納爾蘇喀倫

以上十六處係與喀爾喀車臣汗分界處每二

處駐防官一員每處派兵十名一月一更  
按黑龍江徼外境壤牙錯地無邊牆各處俱設  
喀倫所以防禦俄羅斯每年四五月間經將軍  
派協領三員佐領六員驍騎校六員兵二百四  
十名分三路前往楚爾海圖默哩訥克格爾畢  
齊河口額爾古訥河口等處巡察遇有越境之  
俄羅斯即行捕送將軍請

### 旨辦理

索倫語格爾畢齊有名人也其餘各  
語解已詳見疆域形勝山川城池各門

### 各屬戰船

#### 旅順口戰船六隻

係奉天將軍所轄康熙五十三年  
年由浙閩兩省送至十隻乾隆

十九年奉裁四隻每隻水手十名每  
屆三年小修又三年大修又三年

題明拆造乾隆二十六年定例勘明造修不得拘於年限每遇修造時所需木植等項俱於南省採

辦由

盛京戶部支領銀兩例限一百日工竣

齊齊哈爾大戰船十隻二號戰船十五隻

原設三十一隻

康熙四十年撥給黑龍江十隻  
雍正五年撥給墨爾根六隻

江船五隻

原設九隻雍正

五年撥給墨爾根四隻

划子船十隻

乾隆三十八年奉裁

墨爾根二號戰船六隻江船四隻

雍正五年自齊齊哈爾撥給

黑龍江大戰船十隻二號戰船四十隻

原設三十四隻康熙四

十年自齊齊哈爾移增十隻

江船十隻划子船十隻

乾隆三十八年奉裁

以上戰船俱係墨

墨龍江將軍所轄

### 盛京牧政附載

#### 大凌河牧群馬營在

盛京城西南四百六十里康熙八年設騾馬十群

每

四百匹

至乾隆六年孳生共四十六羣

騾馬十羣課馬三十六羣

十三年裁十六羣二十六年自養息牧哈達撥來

騾馬二群騾馬六羣每屆三年平羣一次又駱駝

五十隻係乾隆六年撥至隨羣牧放不報孳生

養息牧哈達牧羣馬營在

盛京西八十五里康熙八年設驪馬三羣陸續孳生

至三十羣

驪馬六羣  
馬二十四羣

乾隆十五年奉裁二十二

羣二十年併裁餘馬八羣俱歸大凌河牧放

養息牧遼外蘇魯克牧牛羊營在

盛京城西北一百六十里原係

盛京禮部管理乾隆二十九年奉

旨歸將軍管理額設牛二千頭每屆六年平群一次羊

一萬隻三年平羣一次每年以孳生抵補足數遇有祭祀供用

養息牧邊外蘇魯克黑牛羣牧營在

盛京西北二百里額設牛一千頭六年平羣一次每遇孳生時挑選角尾端正者以供祭祀之用

養息牧邊外牧羣牛營在

盛京西北三百二十里康熙三十二年設牛五百頭為五羣陸續孳生至二千三百八十一頭後奉裁

三百八十一頭定設牛二千頭六年平羣一次以上

各處牧政俱係奉天將軍統轄所設官員俱詳戴職官卷

盛京內務府所牧馬羣凡例用官馬以時選送

京師

恩賞官兵銀兩附載

乾隆元年奉

旨發銀二十萬兩滋息遇官兵吉凶事件以作

賞項八年復發銀二十萬兩二十三年將滋息銀兩裁



汰所有兵丁

賞項改於官項內支領驍騎校吉事賞銀十兩領催前鋒等吉事賞銀八兩馬兵吉事賞銀六兩步兵及匠役吉事賞銀四兩乾隆三十九年奉

恩旨駐防孀婦孤子每遇吉事俱准賞銀三兩已前曾食餉銀之兵役其子孫現係閑散吉事俱准賞銀二兩凡凶事賞項銀數皆倍之奉天吉林黑龍江各屬俱同

欽定盛京通志卷五十二

欽定四庫全書

欽定盛京通志卷五十三

名宦一

漢

後漢

三國魏

晉  
前燕附

北齊

隋

唐

欽定盛京通志

名宦

臣等謹案遼東於漢初雖已置郡而地以涇水為界自涇以外皆燕人衛滿所據故其時遼東太守特與滿申禁約而政蹟未有聞也建孝武元封三年悉定遼東分設真番臨屯樂浪元菟四郡益置官吏於是循聲卓然可紀矣自漢已後宦其地牧其民俎豆其王者代不乏人矧今

留都重地自將軍五部以及尹丞守令莫不整勅紀  
綱仰副我

國家澄敘官方之至意史治蒸蒸不惟其名惟其實  
此名之所以克稱也歟謹志名宦二十二

欽定四庫全書

欽定盛京通志卷五十三

名宦一 忠節附

漢

謹案舊志於漢名宦首列荀彧楊僕蓋以其有  
定遼之功也考史記朝鮮傳燕人衛滿據朝鮮  
至其孫右渠殺遼東東部都尉涉何為寇亂元  
封二年秋遣樓船將軍楊僕與左將軍荀彧討

之疑數與僕期戰僕欲約降右渠不會疑其  
有反計執捕之并其軍急擊朝鮮三年夏朝鮮  
人殺右渠來降遂定為真番臨屯樂浪元菟四  
郡疑還坐與僕爭功相嫉棄市據此則僕初無  
定遠之功疑雖定遠而以爭功見誅不掩其罪  
且僕本酷吏史氏黜之與張湯同傳則其人皆  
不足以冠名宦之首爰錄自甘延壽以下庶于  
循名責實之義或有當焉



甘延壽字君況北地郁郅人少良家子善騎射嘗  
超距踰羽林亭樓由是遷為郎累遷至遼東太守  
車騎將軍有治行

范明友宣帝時人拜度遼將軍嘗將二萬騎出遼  
東擊烏桓破之遼東西之民賴以安輯以功封平  
陵侯

後漢

祭彤字次孫潁川人建武十七年拜遼東太守時

匈奴鮮卑及赤山烏桓連和強盛數入塞殺掠士  
民形厲兵馬廣斥堠寇至數破走之二十一年秋  
鮮卑萬餘騎寇遼東彤率數千人迎擊之自被甲  
陷陣斬首三千餘級獲馬數千匹鮮卑震怖不敢  
復窺塞彤乃離其黨與撫以恩信威聲暢於北方  
西自武威東盡元菟及樂浪皆來內附野無風塵  
悉罷緣邊屯兵彤在遼東幾三十年衣無兼副顯  
宗徵為太僕及卒烏桓鮮卑追思無已每朝賀京

師過冢拜謁號泣乃去遼東吏人為立祠四時奉祭焉

耿夔字定公扶風茂陵人耿國次子少有氣決以功封栗邑侯遷遼東太守有治績和帝元興元年貊人寇郡界夔追斬其渠帥南單于叛夔率鮮卑及諸部兵追至屬國故城追擊破之遷行度遼將軍事安帝建光中拜度遼將軍

蔡諷安帝時人始拜遼東太守元初五年高句驪

王宮與潞貊寇元菟攻華麗城諷與元菟太守姚  
光擊破之夏高句驪復與鮮卑入寇攻遼隊諷追  
擊于新昌戰歿功曹耿耗兵曹掾龍瑞兵馬掾公  
孫輔以身扞諷俱歿於陣

忠節附載

陳禪字紀山巴郡安漢人安帝永寧元年轉元菟  
侯城障尉拜遼東太守時邊人畏其威強北寇入  
邊禪不加兵但使吏卒往曉諭之單于隨使還郡  
禪于學行禮為說道義以感化之懷服而去

龐參字仲達緱氏人河南尹龐奮舉為孝廉歷官  
遼東太守恩信大著後遷度遼將軍

馮緄字鴻卿巴郡宕渠人緄父煥前在安帝時為  
幽州刺史疾惡致罰時元菟太守姚光亦失人和  
建光初怨者詐作璽書譴責煥光下遼東都尉龐  
奮使速行刑奮即斬光收煥煥欲自殺緄疑詔文  
有異止之煥乃上書自訟果詐者所為徵奮抵罪  
而煥已歿帝愍之賜煥光錢各十萬以子為郎中

緄由是知名順帝時鮮卑寇邊以緄為遼東太守  
曉諭降集寇皆弭服邊陲以安

耿暤字季遇耿恭之孫也順帝時為烏桓校尉破  
敵有功鮮卑震怖數萬人赴遼東降及敵寇遼東  
屬國暤移屯無慮城以拒之威振北方後遷度遼  
將軍

种暠字景伯河南洛陽人舉孝廉順帝時遷遼東  
太守有政聲烏桓望風率服迎拜界上

度尚字博平山陽湖陸人桓帝時為遼東太守數  
月鮮卑率兵來攻尚與戰破之邊人憚畏遠近綏  
寧延熹九年卒于官

公沙穆字文乂北海膠東人習韓詩公羊春秋尤  
銳思河洛推步之術舉孝廉桓帝永壽時累遷至  
遼東屬國都尉善得吏人歡心卒于官

趙苞字威豪甘陵東武城人舉孝廉為遼西太守  
抗厲威嚴名振邊俗遣使迎母及妻子道經柳城

值鮮卑入塞劫苞母以擊郡苞督兵禦之賊出母  
示苞苞號謂母曰為子無狀本欲以微祿養不圖  
為母作禍今不得顧私恩毀忠節母遥謂曰人各  
有命何得相顧以虧忠義即進戰賊悉摧破母妻  
皆為所害事平封苞為鄒侯苞歸葬訖謂鄉人曰  
食祿而避難非忠也殺母以全義非孝也如是何  
面目立于天下遂嘔血而死

段頗字紀明姑臧人舉孝廉桓帝時遷遼東屬國



都尉時鮮卑犯塞頽率所領馳擊恐賊驚去乃使  
驛騎詐齎璽書詔頽頽偽退設伏敵以為信入追  
頽頽縱兵大破之在邊十餘年秋毫不累民與將  
士同甘苦未嘗一日蓐寢故所向有功

公孫域桓帝時為元菟太守永康元年扶餘王夫  
台將二萬餘人寇元菟域擊破之熹平三年扶餘  
遂奉章貢獻

橋元字公祖睢陽人桓帝末鮮卑高句驪並叛舉

元為度遼將軍假黃鉞元至鎮休兵養士然後督諸將討擊悉破散之在職三年邊陲安靜

耿臨靈帝建寧元年遼西郡力居有衆五千餘落自稱王遼東蘇僕延有衆千餘落自稱峭王右北平烏延有衆人百餘落自稱汗魯王耿臨為元菟太守討降之先是殤帝安帝時高句驪王宮數寇遼東蔡諷討之不能克宮死子伯固立犯遼東西安平殺帶方令建寧二年為臨所敗伯固降服乞屬元菟

遼東西乃寧

公孫瓚遼西令支人舉孝廉靈帝時除遼東屬國  
長史嘗從數十騎出塞見鮮卑數百騎瓚乃退入  
空亭中約從騎曰彼衆十倍于我今不衝之則死  
矣乃自持矛兩頭施刃馳殺數十人寇遁去憚其  
勇健不敢犯邊後以功封都亭侯

謹按漢昭帝元鳳三年置度遼將軍後罷至東  
漢明帝永平八年復置屯五原曼柏蓋在今榆

林北邊境去遼東絕遠其曰度遼者宋劉恕云  
遼訓遠謂度絕遠以征伐也考後漢李膺張奐  
皇甫規諸人皆拜度遼將軍而實未嘗莅遼東  
之地舊志概引入遼東名宦未免冗濫今悉置  
不錄

三國魏

牽招字子經安平觀津人曹操將擊袁譚而柳城  
烏桓欲出騎助譚操以招嘗領烏桓遣詣柳城說

令罷兵後從討烏桓至柳城拜護烏桓校尉文帝  
立拜招使持節護鮮卑校尉廣布恩信招懷降附  
至十餘萬落

田豫字國讓漁陽雍奴人魏文帝時持節護烏桓  
校尉牽招解雋並護鮮卑自高柳以東濊貊以西  
鮮卑數十部相連結豫皆以計破散之豫清約儉  
素朝廷賞賜皆散之將士鮮卑素利等數來客見  
私意一無所受咸高其節

母邱儉字仲恭河東聞喜人青龍中加度遼將軍  
使持節護烏桓校尉率幽州軍至襄平屯邊隧遼  
西烏桓護留等隨袁尚奔遼東者並相率降從討  
公孫淵定遼東以功封安邑侯正始中高句驪數  
叛儉督步騎萬人出元菟境與句驪王宮大戰沸  
流水連破之遂登丸都破滅其城宮攜妻子遠竄  
初句驪沛者名得來數諫宮不從歎曰立見此地  
將生蓬蒿遂不食死舉國賢之儉令諸軍不壞其

墓不伐其樹並釋其妻子令贍養得所遼人悅服  
正始七年復討高驪及濊貊破之韓那奚等數十  
國皆降

王頎字孔碩東萊人官元菟太守正始中母邱儉  
復征高句驪其王宮遂奔買溝時儉遣頎追宮過  
沃沮千有餘里至肅慎氏南界刻石紀功刊丸都  
山銘不耐城穿山溉灌民賴其利

張邈鉅鹿人為遼東太守著自然好學論為人有

遠識吏民懷之

晉

張華字茂先范陽方城人都督幽州軍事撫納馬韓新彌諸國依山帶海去州四千餘里前代所未附者二十餘國咸來朝獻

謹按張華都督幽州官績似不專在遼東境內但史言馬韓新彌東方諸國去幽州四千餘里則實兼今奉天吉林寧古塔之地因志之



賈沈太康時為遼東都護先是慕容廆破扶餘其  
王依慮自殺其子依羅求請援于東吳校尉何龕  
龕使沈救之廆遣其將孫丁率騎邀之于路沈力  
戰斬丁遂復扶餘國

慕容廆字弈洛瓌先世居遼秦漢之際分保鮮卑  
山三國魏初曾祖莫護跋率諸部入居遼西從伐  
公孫淵有功拜率義王乃以慕容為姓自云慕容  
儀之德繼三光之容也父涉歸以全柳城功拜單

于遷邑於遼東北生龐雄傑有大度張華一見許  
為命世之器晉愍帝建興中拜龐昌黎遼東二國  
公時中原多故邊圉淪陷龐在遼東教民農桑修  
明刑政舉賢任能招撫流亡士庶歸之敗高句麗  
之衆立遼東郡元帝太興中進封遼東郡公龐嘗  
言獄不可不慎賢不可不敬稼穡不可不急酒色  
便佞不可不戒著家令數千言卒贈車騎將軍開  
府儀同三司謚曰襄

裴嶷字文冀河東聞喜人清方有幹畧累官滎陽  
太守以兄武守元菟求為昌黎太守武卒嶷被徵  
道梗不得達乃與武子開投魑魅以嶷為長史用  
其策遂破悉獨官嶷嘗獻捷于晉帝試留之以觀  
其意嶷辭曰慕容將軍越在海表乃心王室故遣  
臣萬里歸誠今若留臣必謂國家遣其僻陋孤其  
丹心是以微臣區區貪還反命耳帝乃遣還魑嘗  
謂羣僚曰裴長史名貴中朝而屈于此殆天所以

授我也後出為遼東相轉樂浪太守

韓恒字景山灌津人永嘉之亂避地遼東依校尉  
崔蒞蒞敗為慕容廆所得拜參軍咸和中廆僚屬  
宋該等建議表請廆為大將軍燕王之號恒駁曰  
晉室喪亂無復綱紀明公忠武篤敬憂勤社稷抗  
節孤危之中建功萬里之外終古勤王之義未之  
有也夫立功者患信義不著不患名位不高今宜  
繕完甲兵以清四海若要君以求寵爵者非為臣

之義龐未用其言後遷營邱太守政化大行

慕容翰字元邕龐之庶長子性雄豪多權畧援臂  
工射永嘉三年遼東太守龐本以私憾殺東夷校  
尉李臻遼東鮮卑素喜連木九津等因欲為亂翰  
言于龐曰求諸侯莫如勤王今連津跋扈托為龐  
本報仇內實幸災為寇遼東傾沒中原離亂勤王  
仗義今其時也宜合義兵問連津之罪興復遼東  
並吞二部以立霸王之基龐從之以翰為前鋒率

騎東擊連津破斬之立遼東郡而歸于晉虜復遣  
翰攻段疾陸眷遂鎮徒河壁青山及鎮遼東撫安  
民人甚有威惠

陽耽北平無終人清直端敏仕為遼西太守慕容  
翰攻段氏于陽樂獲耽虜甚敬禮用為謀主官東  
夷校尉

前後燕

附

皇甫真字楚季安定朝那人弱冠高才慕容皝即

位任平州別駕時百姓勞瘁真意欲寬賦減稅休息戶役時不能從後以敗麻秋功拜奉車都尉守遼東營邱二郡皆有善政

謹案裴嶷韓恒慕容翰雖皆為慕容廆所臣然當時廆率其僚屬尚臣事于晉故志內悉隸為晉名宦至慕容皝僭號稱王皇甫真以下諸人始另列諸燕以別之並附識于卷

慕容恪字元恭皝之第四子從皝征伐臨機多奇

策使為遼東鎮將甚有威惠高句驪憚之不敢為寇及伐夫餘身當矢石摧鋒而進所嚮輒潰

劉佩河間人為元菟太守咸康四年趙石虎攻慕容皝欲奔慕輿根諫而止劉佩曰今強寇在外衆心恟懼臣請出擊之縱無大捷足以安衆乃將敢死數百騎出衝趙軍所向披靡于是士氣百倍慕輿根等遂敗趙兵境內以安

慕容農廐之裔孫初高句驪寇遼東司馬郝景率



衆救之為所敗遼東元菟遂沒農進伐高句驪克  
之復遼東元菟二郡及慕容垂立國封農為遼西  
王在龍城五年庶政修舉後召還以慕容隆代之  
隆因農舊規修而廣之遼境遂安

### 北齊

高寶寧武平末為營州刺史鎮黃龍夷夏重其威  
信周師將至鄴寶寧率驍銳并契丹靺鞨萬餘騎  
將赴救至北平聞鄴都不守便歸營州周遣使招

金史卷五十三  
尉寶寧却其勅書還據黃龍竟不臣周

隋

韋冲京北杜陵人文帝時封義豐侯遷營州總管  
冲寬厚得衆撫韃韃契丹皆能致其死力奚霄朝  
貢相續高驪主元率韃韃萬餘騎寇遼西冲擊走  
之

麥鐵杖始興人大業八年征高驪為將時賊阻遼  
水拒守鐵杖將度遼謂其三子曰吾荷國厚恩今

乃吾報命之秋唯誠與孝汝其勉之時造浮橋于  
遼水西岸既成引橋趨東岸橋短去岸丈餘賊大  
至鐵杖奮躍登岸與錢士雄孟金釵等皆力戰死  
詔贈鐵杖宿公諡武烈

忠節附載

謹按隋唐時從征高麗諸將非宦子遼東著有  
名蹟者比舊志錄為名宦殊失區別而其中固  
有攻克名城拓疆闢土與夫死節諸臣捐軀致  
命于其地者其豐功亮節不可不紀爰擇而志

之

來獲爾宇從善江都人以平壤道行軍總管率樓  
船指滄海入自涓水去平壤六十里與高麗遇進  
擊大破之追奔至城下毀其郭會宇文述兵敗乃  
旋大業十年又帥師渡海至卑奢城高麗舉國迎  
戰獲爾擊破之高元震懼執叛臣斛斯政詣遼東  
城下請降帝許之遂旋師

李景字道興天水休官人大業七年從征高麗為

將攻武屬城破之九年復出遼東師旋追兵大至  
景擊走之進爵滑國公十二年煬帝令景營遼東  
戰具于北平粟帛山積景無所私江都之變盜賊  
蜂起遼西太守鄧曷救景遂歸柳城將還幽州遇  
賊見害契丹靺鞨素感其恩聞之莫不流涕

唐

張儉字師約京兆新豐人以功累遷營州都督兼  
護東夷校尉營州部與契丹靺鞨奚霫諸部切畛

高麗引衆入寇儉擊破之太宗征遼儉率兵渡遼水趨建安城破高麗兵封皖城郡公後改東夷校尉官為都護府即以儉為都護

李道宗字承範太祖曾孫貞觀中高麗莫支離阻兵不服太宗征之以道宗為遼東道副大總管道宗請將百騎先覘形勢帝問往返幾日對曰往返兼旬周覽十日遂秣馬東兵傍南山直入遼東城南相險易度營陣便處將還高麗兵斷其後更走

間道如期謁見詔與李勣為前鋒拔葦牟城會救  
至道宗等所將纔四千虜十倍軍中議保險以須  
道宗曰吾屬為前軍當清道迎乘輿尚何待遂選  
壯騎數十突進賊營左右出入勣合擊大破之

李勣字懋功離狐人貞觀十六年以勣為遼東道  
行軍大總管率十六總管兵以伐高麗十九年勣  
趨遼東自通定濟遼水拔葦牟遼東白崖等城從  
戰駐蹕山功最多二十一年復與牛進達伐高麗

勦克南蘇木底進達克石城乾封初仍充遼東道  
行臺大總管擊高麗下十七城總章元年拔扶餘  
南蘇木底蒼巖城進圍平壤執高藏男建等分其  
地州縣之

薛仁貴絳州龍門人名禮以字行躬耕時將改葬  
其先妻柳曰天子自征遼東求猛將君盍圖功名  
以自顯富貴還鄉葬未晚仁貴乃應募至安邑會  
郎將劉君印被圍仁貴馳救斬賊擊馬鞍由是知



名王師攻安市高麗率衆拒戰仁貴白衣持戟鍵  
兩弓呼而馳所向披靡帝遣使馳問白衣者誰曰  
薛仁貴帝召見喜得彪將授遊擊將軍顯慶三年  
詔副程名振伐高麗破之於貴端城四年破溫沙  
多門於橫山及戰石城有善射者多殺官軍仁貴  
乃單騎突擊賊弓矢俱廢遂生擒之乾封初援泉  
男生大破高麗進拔扶餘威振遼海高麗平進檢  
校安東都護封平陽郡公移治新城撫孤存老檢制盜

賊隨材任職褒崇節義高麗士衆皆欣然忘亡

契苾何力鐵勒人太宗征高麗烏骨城為白巖聲  
援何力挺身陷陣槊中腰尚輦奉御薛萬徹單騎  
往救出何力於萬衆之中帝親傳瘡藥何力益憤  
束瘡再戰城既拔得刺何力者高突勃驪使自殺  
辭曰彼為主冒白刃以刺臣義士也捨之龍朔初  
拜遼東道行軍總管擊高麗進兵鴨綠餘衆多降  
乾封初詔以何力為遼東道行軍大總管安撫大

使副李勣同趨高麗何力大破高麗於南蘇進拔  
扶餘先引兵趨平壤勦軍繼之高麗平

程名振洺州平恩人破劉黑闥有功拜營州長史  
封東平郡王從征高麗拜平壤道行軍總管攻沙  
卑城破獨山陣皆以少擊衆永徽六年以營州都  
督兼東夷都護擊高麗於貴端水焚其新城顯慶  
三年與仁貴攻拔赤烽鎮破高麗大將豆方婁龍  
朔三年與蘇定方等復伐高麗敗之

龐同善乾封初以遼東道行軍總管援泉男生及  
高麗戰敗之男生率師來會詔拜同善特進遼東  
大都督封元菟郡公

高倬永徽中為北道安撫使以功歷安東都護乾  
封初進營州都督為遼東道行軍總管討高麗咸  
亨初以東州道行軍總管破高麗于泉山總章二  
年高麗鉗牟岑叛復以倬為東州行軍總管與將  
軍李謹行討之鉗牟岑走新羅徙都護府治遼東

州破叛兵於安市又敗之于泉山蘇定方名烈以  
字行冀州武邑人永徽六年為遼東道行軍大總  
管伐高麗敗之於貴端水龍朔元年復破之於涇  
江

劉仁軌尉氏人麟德初為帶方州刺史破百濟立  
唐社稷頒正朔及廟諱然後屯田儲糗糧訓士卒  
以圖高麗總章元年為遼東道副大總管兼安撫  
大使與李勣討高麗平之

泉男生字元德高麗蓋蘇子為弟男建男產產等  
所逼遂率衆與契丹靺鞨兵內附明年入朝遷大  
都督遼東郡公詔還軍與李勣攻平壤擒高藏進  
卞國公奉詔安撫遼東並置州縣招流亡平斂賦  
罷力役民悅其寬卒諡曰襄勒碑著功麗孝泰龍  
朔元年為沃沮道行軍總管伐高麗二年及高麗  
戰于蛇水死之

忠節附載

許欽寂安陸人萬歲通天元年契丹入寇詔為安

東討擊使戰崇州敗被禽時契丹方圍安東脅令  
說屬城未下者欽寂呼安東都護裴元理曰賊朝  
夕當滅幸謹守遂遇害贈刺史諡曰忠

志節附載

王元志天寶時為安東都護安祿山反與營州侯  
希逸共斬其親將拜元志平盧節度使兼御史大  
夫蘇元明奏德宗有云御史大夫王元志壓巫閭  
臨幽都其為時倚重如此

全客努懷州武涉人開元中室韋首領段普洛數

苦邊節度使薛楚玉使客努單騎襲之斬其首以  
歸拜左驍尉將軍數戰有功安祿山反平盧節度  
副使呂知誨降賊害安東副都護馬靈譽客努與  
諸將殺知誨遣使與安東將王元志相聞天寶十  
五載以客努為柳城郡太守賜名正臣以元志為  
安東副大都護正臣遣使道海至平原與太守顏  
真卿相結且請出師未至而平原失乃還

欽定盛京通志卷五十三



欽定四庫全書

欽定盛京通志卷五十四

名宦 二 忠節附

遼

金



欽定四庫全書

欽定盛京通志卷五十四

名宦

二

忠節附

遼

耶律伊濟字伊德實幼豪爽不羣長通諸部語太祖經營之初多預軍謀天顯元年渤海平立耶律倍為東丹王以伊濟為中臺省右次相莅事勤恪威信並行太宗即位上言渤海昔畏南朝阻險自

衛居輝罕城先帝克之已歸版圖但去上京遼邈  
恐為後患梁水之地乃其故鄉又有木鐵鹽魚之  
饒宜徙居之選其徒以翼吾左哭厥党項室韋夾  
輔吾右可以坐制南邦混一天下帝嘉納之詔徙  
東丹國民於梁水時稱其善守

蒙古語伊濟每部之部也原作羽之

伊德實食物也原作寅底哂國語  
輝罕圍場也原作忽汗今俱譚改

耶律隆先字團隱耶律倍之子博學能詩景宗即位封平王兼政事令留守東京薄賦稅省刑獄恤

鯁寡數薦賢能之士後與統軍耶律舒魯討高麗

有功卒葬醫巫閭山之道隱谷

國語舒魯珊瑚也原作室魯今譯改

和勒博字實訥耶律吼之子穆宗初以平察克功

授昭德軍節度使黃龍府軍將燕頗殺守臣以叛

和勒博討之破賊於鴨綠江

按昭德軍即今瀋陽國語和勒博謂聯

絡也原作何魯不蒙古語實訥新也原作斜寧察克時也原作察割今俱譯改

蕭巴雅爾字韓隱聖宗統和十五年加政事令遷

東京留守開泰五年封東平王巴雅爾為政寬裕

而善斷諸部畏愛民以殷富

蒙古語巴雅爾喜也原作排押今譯改

蕭柳字圖們多智能文膂力過人聖宗統和十七

年南伐有功其父巴雅爾留守東京奏柳為四軍

兵馬都指揮使明年為北女直詳袞政濟寬猛部

民畏愛遷東路統軍使秩滿百姓願留復任許之

後致仕卒耶律觀音努集柳所著詩千篇目曰歲

寒集

圖們解見疆域形勝表原作徒門索倫語詳袞理事官也原作詳穩觀音努原作觀音奴

今俱  
譯改

李壽英里貫未詳聖宗統和八年為嚴州刺史有  
惠政部民請留從之

韓制心幽州安次人聖宗開泰中拜上京留守太  
平中歷中京留守數以不曲法不虐民不愛官自  
箴箴若不登奏免租賦民若被兵奏發廩賑寵居  
貴戚而不驕屢徙王位而不矜卒之日部民若哀  
父母

韓德凝玉田人謙遜廉謹聖宗開泰中任崇義軍

節度使移鎮廣德秩滿部民請留從之

李可舉里貫未詳聖宗開泰初任中京留守推官  
治獄平允詔起遷之

蕭孝穆小字和爾沁聖宗太平九年大延琳叛於  
東京以孝穆為都統致討孝穆去城四面各五里  
許築城堡圍之遂擒延琳以功授東京留守治遼  
陽為政寬簡撫納流徙民甚安之

和爾沁唐古特語和爾蒙古人

也沁大也原作  
胡獨厘今譯改



劉晨言里貫未詳聖宗開泰元年任中京留守推官治獄明允詔超遷之

耶律布庫字提隱初從伐高麗有功累遷上京客省副使聖宗太平二年城鴨綠江布庫守之有治蹟五年遷東京統軍使蒞政嚴明諸部懾服大延琳叛以書結保州夏行美執其人送布庫布庫入據保州延琳氣阻東京平以功拜特哩袞

國語布庫善撲

人也原作蒲古蒙古語特哩袞為首之稱原作惕隱今譯改

張傑里貫未詳官潘州節度副使時東京錫里軍  
詳袞大延琳叛自號興遼國建元天慶傑聲言欲  
降以緩其師急修守禦之具延琳攻之不克詔以  
傑為潘州節度使

錫里軍詳袞原作舍  
利軍詳穩今譯改

韓紹勛幽州安次人任東京戶部使聖宗太平九  
年大延琳叛被執不屈賊鋸殺之

忠節附

劉伸字濟時宛平人興宗重熙中權中京副留守  
詔徙富民實春泰二州伸奏罷之歷崇義軍節度

使政務簡淨民用不擾致烏鵲同巢之異拜叅知  
政事遷上京留守

王崇涿州新城人興宗重熙中鄉貢禮部廷試皆  
第一累遷東京戶部使道宗大康二年遼東饑民  
多死請賑恤從之

蕭阿拉字額哩埒孝穆子道宗清寧中與蕭格同  
掌國政格諂諛不法阿拉爭之不得告歸除東京  
留守阿拉性忠果曉世務有經濟才因行色克色

禮入朝陳時政得失蕭格以事中傷見殺

忠節附阿拉

解見京城卷原作阿剌國語額哩埒以時之謂原作阿里懶蕭格原作蕭革色克色原作瑟瑟今俱

改譯

耶律迪里字薩喇吼五世孫寬厚好學工文詞道

宗清寧中為北面林牙承旨及重元作亂迪里赴

援力戰授臨海軍節度使咸雍五年累遷長寧官

使檢括戶部司乾州錢帛逋負立出納經畫法公

私便之大康中遷上京留守後致仕

索倫語迪里頭也原作敵

烈薩喇蒙古古語解見黑龍江  
山川卷原作撒懶今譯改

大公鼎渤海人先世籍遼陽率賓縣後家大定幼  
莊愿長而好學第進士咸雍中為瀋州觀察判官  
時遼東淫雨傷稼北樞密院大發瀕河丁壯以完  
隄防有司承令峻急公鼎獨曰邊障甫寧大興工  
役非利國便民之道上疏乞罷朝廷從之役罷水  
亦不為災瀕河千里人莫不悅改良鄉令省徭役  
務農桑建孔子廟學部民服化遷大理卿多所平

反天祚即位遷東京戶部使時盜殺留守蕭保先  
始利其財因而倡亂民亦互生猜忌家自為鬪公  
鼎單騎行郡陳以禍福衆皆投兵拜曰是不我欺  
敢不聽命安輯如故獨捕首亂者誅之拜中京留  
守時盜賊充斥有遇公鼎於道者即叩馬乞自新  
公鼎給以符約俾還業聞者接踵而至不旬日境  
內清肅天祚聞之加賜保節功臣

蕭烏納字特默六院部人魁偉簡重性忠直天祚

在潛邸烏納數以直言忤旨及即位出為臨海軍  
節度使上言自蕭哈里亡入女直彼有輕朝廷之  
心宜益兵以備不虞不報天慶元年知黃龍府事  
改東北路統軍使復上言臣治與女直接境觀其  
所為志實非小宜先其未發圖之又不聽及金兵  
起人以為有先見之明尋授副元帥天祚以烏納  
先朝重臣有定策勲每延問政事奏對甚切上雖  
優容終不能用卒年七十

烏納國語解見黑龍江  
山川卷原作兀納蒙古

語特默駱駝也原作特免國語哈里斜  
也又有水寬甸處原作海里今俱譯改

伊德濟蕭烏納之孫天慶初金兵來侵戰於寧江

州伊德濟死之

忠節附 蒙古語伊德濟已  
食之謂原作移敵塞今譯改

韓慶民里貫未詳任宜州節度使金棟摩下宜州

拔槎枒山慶民死之其妻亦自殺

忠節附 國語  
棟摩茶桶也原

作闕母  
今譯改

金

持嘉暉字仲明先居遼後家萊州體貌雄偉慷慨



有志畧太祖天輔六年從棟摩定興中府義錦等  
州破張覺及再伐宋功皆最留撫河間時居民被  
掠老幼存者無幾暉下令軍中聽贖還之及攻降  
濟州暉約束軍士秋毫無犯連敗宋軍遂至餘杭  
及還載資治通鑑板以歸累功遷歸德軍節度使  
宗州即唐來州在  
今寧遠州境舊無學暉為營建學舍勸督生  
徒肄業者復其身人競趨之屬縣民家奴王夔者  
嘗業進士暉以錢五十萬贖之使卒其業夔後至

顯官天德中封暉河南郡王拜平章政事卒諡武

持嘉八旗姓原  
作亦蓋今譯改

程家燕之析津人太祖天輔時授錦州安昌令潔  
已愛民興利除弊史稱其剛直耿介不諂權貴其  
沒也邑人祀之

伯特德哩布奚五王族人也太宗天會初與其父  
來歸屢立戰功初授濱州刺史廉入優等累遷崇  
義軍節度使德哩布為人孝謹為政簡靜不積財

貨常曰俸祿已足養廉衣食之外何用蓄積凡調

官行李止車一乘臧獲數人而已

伯特德哩布國語伯特無能為

之謂德哩布興起也原作伯特特離補今譚改

高昌福中都宛平人太宗天會十年登進士第三  
除同知東京留守事以治最遷山東西路轉運使  
工部尚書

伊喇溫遼橫帳人從征有功熙宗時除同知東京  
都轉運使事世宗時歷崇義軍節度使移臨海軍

州治近水秋雨水潦暴至城下城頗決百姓惶駭  
不知所為溫督役繕完之身臨不測無所避僚屬  
或止溫溫曰為政疵癘水泛溢為災守臣之罪當  
以身為百姓謝死不恨後移鎮武定旱且蝗溫刺  
指血灑酒中禱而酬之既而雨霑足有羣鳥啄蝗  
且盡人以為至誠之感

伊喇八旗姓原  
作移刺今譯改

李晏字致美澤州高平人熙宗皇統六年進士任  
遼陽推官有政績歷遷御史中丞初錦州龍宮寺

遼主撥賜戶民俾輸稅于寺歲久皆以為奴有欲訴者害之島中晏乃具奏在律僧不殺生況人命乎遼以良民為二稅此不可法今幸遇聖朝乞盡釋為良世宗納其言獲免者六百餘人

高松澄州析木人年十九從軍為佛寧多力善戰熙宗時從宗弼破汴京及和尚原累官咸平府總管判官世宗即位充管押東京路渤海萬戶兵部尚書克實謀反前同知延安尹李老僧欲得高松

共事遂往見松以言挑之曰有功舊人至今不得  
大官何也松曰我一縣令每念聖恩累世不能報  
庸敢他望乎老僧遂不敢言克實等事遂敗後松  
從征幹罕以功遷咸平少尹官至崇義軍節度使

佛寧原作蒲輦克實原作可喜國語  
幹罕馬蹄也原作窩幹今俱譯改

伊喇子敬字同文遼五院人熙宗皇統間與修遼  
史除同知遼州事舊本廳自有占地歲入數百貫  
子敬曰已有公田何為更取民田竟不取及為興

中尹子敬女自懿州來省謁中途遇盜剽行李且盡既而還之曰我輩初不知為府尹家也尹有德於民尚忍侵犯耶後子敬歷咸平廣寧尹致仕卒時家無餘財

馬惠迪字吉甫瀋陰人天德三年進士初調昌邑令察廉第一世宗大定中歷西京留守判官以治最擢同知崇義軍節度使廉能稱職遷御史中丞拜參知政事

劉煥字德文中山人宋末兵起乏食煥尚幼煮糠  
供母而自飲其清者稍長就學寒擁篝火讀書不  
怠登天德元年進士調中都市令以廉遷北京警  
巡使捕二惡少杖之庭中戒之曰孝弟謹慎則為  
君子暴戾隱賊則為小人自今以後毋狃故習國  
有明罰吾不得私也由是衆皆畏服無敢犯者召  
為監察御史父老數百人或卧車下或挽輓登曰  
我欲留使君期年不可得也世宗大定中同知北



京留守事時世宗幸上京所過州郡大發民夫治  
橋梁馳道以期恩賞煥所部惟平治端好而已上  
嘉其意遷遼東路轉運使

盧孝儉宣德州人初登天眷進士官太原少尹世  
宗大定中用廉進官二階遷同知廣寧尹廣寧大  
饑民多流亡孝儉設法賑濟全活甚衆

伊喇諳達遼橫帳人熙宗時累官東京副留守參  
知政事嗣攝咸平路屯軍都統除武定軍節度使

以招徠邊部功遷東北路招討使改臨潢尹卒諡

達騎射絕倫善相馬

諸達國語解見吉林山川卷原作按答今譯改

諾延溫都烏達阿卜薩水人通書史工為詩世宗

時初授咸平尹改會寧尹北邊行軍都統時幹罕

初定人心尚未安烏達為治寬簡多備禦謹斥堠

邊境以寧改北京留守以廉察舉所至有能名無

私過入拜參知政事

諾延溫都烏達蒙古語諾延官長之稱溫都八旗姓國語

烏達買也原作搃溫敦兀帶國語阿卜薩樺皮桶也原作阿補斯今俱譯改

王賁字文孺其先自臨潢移貫宛平賁性孝友勤敏好學世宗時第進士調復州軍事判官廉靜有守不尚奔競政府推薦累遷南京路按察使

大懷貞字子正遼陽人皇統時累官彰國安武軍節度使縣尉獲盜得一旗上圖亢宿詰之有叛狀株連幾萬人懷貞請誅首亂者餘俱釋之世宗大定時為興中尹錦州富民蕭鶴壽途中殺人匿府少尹家有司捕不得懷貞以計取之寘於法遷彰

德軍節度使

張行信字信甫莒州日照人與兄行簡皆有名純  
正真率不事修飾世宗大定二十八年擢進士官  
銅山令有政聲章宗明昌元年以廉擢授監察御  
史兩登相位言無隱避及卒皆曰正人亡矣

納塔謀嘉上京路音德爾明安人初習策論進士  
世宗大定二十六年補上京提刑書史以廉能著  
稱章宗承安五年特賜同進士出身調東京教授

湯池主簿皆著治績宣宗貞祐初遷翰林待制  
充元帥府經歷時中都危急宣宗議遷都謀嘉  
諫不聽興定初上書諫伐宋降潁州刺史有守

禦功名為翰林侍講學士同修國史

納塔八旗  
姓原作納

坦音德爾原作牙塔懶明安國語解  
見錦州山川卷原作猛安今譯改

圖克坦繹上京阿勒楚喀達哈人尚熙宗女瀋  
國公主歷宣德泰安淄州刺史世宗時改同知  
廣寧府事歷遷棣州防禦使所至以政績聞升

臨海軍節度使

圖克坦八旗姓原作徒單阿勒楚喀原作按出虎國語達哈順

從也原作達阿今俱譯改

楊雲翼字之美其先贊皇檀山人後家樂平天

資穎異初學語輒畫地作字日誦數千言且精

歷數章宗明昌五年登進士第一泰和元年累

官上京東京等路按察使司事有威望雲翼天性

雅重自律甚嚴待人則寬國家之事知無不言嘗因

事召見章宗咨以世務深重之大安元年翰林承旨張

行簡薦其才召授提點司遷翰林侍講兼修國史  
承暉字維明內族好學淹貫經史章宗明昌時授  
東京咸平等路提刑副使改同知上京留守御史  
臺奏承暉為提刑豪猾屏息遷臨海軍節度使歷  
利涉遼海軍遷北京路提刑歷知咸平臨潢府為  
北京留守卒為名臣死於中都之難贈尚書令廣  
平郡王諡忠肅

馮璧字叔獻真定路人幼穎悟不凡章宗承安二

年進士由莒州軍事判官調遼濱主簿縣有和糴粟未給價者十萬斛散貯民居以富人掌之有腐敗則責償於民民殊苦之璧白漕司罷之民大悅累遷同知集慶軍節度使致仕卒年七十有九裕爾伯特北京路庫本明安托囉山穆昆人以功擢海濱令廉能稱職章宗明昌六年除東北路招討使時北邊有警圍慶州伯特率本路兵往救敵解去承安元年授鎮寧軍節度使以六羣牧人叛



改寧昌軍伯特為都統領步騎萬人至懿州奮擊  
大敗之二年紂軍千餘出沒剽掠錦懿間伯特追  
敗之復獲所掠悉還本戶五年知廣寧府改東北  
路招討使捍邊有功三遷為崇義軍節度使伯特  
勇決善戰自幼以軍功顯任兵鎮十餘年所向克  
捷裕爾八旗姓伯特解見前原作瑤里寺迭國語  
庫本棉也原作窟白托囉國語解見黑龍江山  
川卷原作陀羅穆昆族  
也原作謀克今譯改  
伊喇富森東北路烏爾呼河明安人以蔭補吏累

功遷順義軍節度副使衛紹王大安初遷沃州刺史同知興中府事富森繕城浚濠百姓頗怨頃之兵果至攻北城富森戰于北使備西城薄暮賊果攻其西以有備乃解尋改廣寧府富森被牒往鄰郡賊來攻之富森子銅和尚率家奴與戰城賴以完富森歸悉放奴為良終不言其子之功未幾充遼東宣撫使歲大饑出沿海倉粟先賑而後奏之優詔獎諭

伊喇八旗姓國語富森孳生也原作移刺福僧國語烏爾呼偏也原作烏連苦

今譯  
改

完顏伊爾必斯海蘭路特克紳畢喇明安人章宗  
明昌五年登第宣宗貞祐初官御史中丞遼東路  
行尚書省事興定元年叅知政事行尚書省元帥  
府於博索路寬厚受人敏於吏事能治劇要時伯  
特呼圖有異志以兵戕殺伊爾必斯識者惜其用

之未盡詔贈平章政事封芮國公

伊爾必斯解見  
選舉表原作阿

里不孫海蘭見建置沿革卷原作曷懶特克紳畢  
喇國語特克紳整齊也畢喇河也原作泰申必剌

博索山陰也原作婆速伯特見前呼  
圖鬼也原作伯德胡土今俱譯改

李完字全道朔州馬邑人經童出身復登詞賦進  
士章宗明昌中同知廣寧府初遼濱人崔元入城  
飲酒不歸後得屍水中有司執同飲者訊之皆誣  
服提刑司疑其寃以獄畀完完廉得其賊乃舟師  
也遂免同飲者遷北京臨潢路提刑副使

梁持勝字經甫河東絳州人章宗泰和六年登進  
士第累遷咸平路宣撫使經歷官宣宗興定初宣

撫使布希萬努有異志欲棄咸平徙海蘭路持勝  
力止之萬努怒杖之八十持勝走上京告行省太  
平是時太平已與萬努通謀口稱持勝忠而心實  
不然署持勝左右司員外郎既而太平受萬努命  
焚毀上京宗廟執元帥承充奪其軍持勝與提控  
咸平治中費摩薩布萬戶韓公恕約殺太平復推  
承充行省事共伐萬努事泄俱被害詔贈持勝忠

順大夫韓州刺史

忠節附  
姓布希萬

按布希費摩俱八旗  
努原作蒲鮮萬奴費

摩薩布原作裴滿賽不國  
語薩布鞋也今俱譯改

赫舍哩和勒端西安路和倫松科明安人宣宗貞  
祐二年為宣差副提控同知博索路兵馬都總管  
行府事三年布希萬努取咸平東京瀋澄諸州多  
從之萬努侵博索近境和勒端率兵擊却之九月  
萬努衆九千人出宜風及易池和勒端率兵與戰  
其衆潰去四年和勒端遣王汝弼由海道奏事宣  
宗嘉其功遷遼海軍節度使

赫舍哩八旗姓國語  
和勒端烟墩也原作

訖石烈桓端和倫松科國語和倫威也  
松科踪跡也原作忽論宋割今俱譯改

赫舍哩德字廣之真定路珊沁明安人明昌進士

宣宗貞祐二年官肇州武興軍節度使時肇州圍  
急食且盡有糧三百船在鴨子河去州五里不能  
至德浚濠增陴築渠導濠水屬之河鑿陷馬奔伏  
甲其傍以拒守一日兵數接士殊死戰渠成船至  
城下食足圍解改遼東轉運使民遮道挽留乘夜

乃得去

國語珊沁塞也原  
作山春今譯改

達魯楊照努金末時蒙古兵畧地高州拔惠和金  
源和衆龍山利建富庶等十五城降其北京留守  
音達琿進攻北京傍近諸寨樓子崖等二十餘寨  
皆降惟西乾河達魯五指山楊照努固守不下大  
小百餘戰照努死之達魯敗走復聚衆攻龍山以  
槊刺烏頁爾中胸墮馬復為史天祥所敗達魯力  
戰死之

忠節附 蒙古語達魯琵琶骨也原作答  
魯楊照努原作楊趙奴音達琿國語解見

奉天府山川卷原作銀答忍蒙古語  
烏頁爾勞也原作烏野兒今俱譯改



沃哩布金末為興中府同知蒙古兵起穆呼哩遣

人招降沃哩布斬其使謀拒守未幾吏民殺沃哩

布舉城降

國語沃哩布令留也原作兀里卜穆呼哩八旗姓國語凡物有稜角之謂原作

木華黎今俱譯改

傅霖玉田人第進士累官至崇義軍節度副使行


部臨潢沒於兵

志節附

謹案舊志遼金名宦人物兩門往往混淆重覆

今核其治遼有政蹟者列入名宦門其或別有

表見而不以治遼著者列入人物門以區別焉



欽定盛京通志卷五十四